



Inatsisartunut Ilaasortaq Hans Enoksen, Siumut
MAANI

Nunaqarfinni tunitsiviit pillugit apeqqummut nr. 91-mut akissut

Inatsisartut suleriaasianni § 36, imm. 1 naapertorlugu apeqqutigaat nunaqarfinnut pissamaatitut 20 mio. kr.-it immikkoortinneqartut atorlugit pilersaarutit suliallu suut ingerlanneqarsimanersut. Apeqqut uannit akineqartussanngortinneqarsimavoq.

Apeqqut:

Naalakkersuisunut apeqqutiginiarpara nunaqarfinni suliffissaqartitsiniarnerup, ilinniartitaanerup kiisalu ilinniartitseqqiinerup siuarsarnissaanut pissamaatitut 20 mio. kr. immikkoortinneqartut eqqarsaatigalugit suliata ullumikkumut suut ingerlanneqarsimanersut suulla pilersaarutaanersut pillugit matumuuna apeqquteqarpunga.

Akissutaa:

Nunaqarfinni illoqarfinnilu mikinerusuni naleqquttunik suliffissaqartuarnissap ingerlataqartuarnissallu qulakkeerneqarnissaat Naalakkersuisunit pingaarutilerujussuartut isigineqarnera siullertut sallertullu malugeqquneqassaaq. Aningaasat suliassanut taakkununga atorneqartussaasut atorneqarput.

Apeqqutinni 20 mio. kr.-it innersuussutigineqartut 19. juni 2009-mi akuersissutigineqarlutillu aningaasaliissutigineqarput, taamaattumik aningaasat juli 2009-miit atorneqarsinnaalersimapput.

Aningaasat konto pingaarnerup 20.11.72 illoqarfiit nunaqarfiillu ilaanni immikkut suliniutinut sillimmatit ataani aningaasaliissutigineqarput oqaasertaliussallu aamma missingersuutinut ilanngussaq naapertorlugit atorneqarsimallutik.

Aningaasat pingaarnermik atorneqarsimapput nunaqarfinni suliffissaqartitsinissaq qularnaarniarlugu kiffartuunneqarnissamik isumaqatigiissusiornernut, tamatumuuna aalisartut piniartullu ukiup annersaani tunisisinnaaqqullugit tamatumalu peqatigisaanik tunitsivinni suliallit ukiup annersaani suliffissaqarsinnaaqqullugit.

Aningaasat qanoq atorneqarsimanerat ataani takussutissiorneqarpoq.

2009-mi ukiup affaani kingullermi atuuttumut Arctic Green Food A/S (AGF)-imit kiffartuunneqarnissamik isumaqatigiissusiornernut 3.360 mio. kr.-it atorneqarput. Tamatuma saniatigut kiffartuunneqarnissamik isumaqatigiissummi ilinniartitaanernut immikkoortitat ilaatinneqarput, tamatumuuna AGF sulisuminik pikkorissartitsinissanut suliniuteqarsinnaalerpoq.

17. maj 2010
j.nr. 01.28.2010-91

Postboks 269
3900 Nuuk
Tlf. (+299) 34 50 00
(+299) 32 47 04
E-mail: apnn@gh.gl
www.nanoq.gl

Pikkorissartitsinermut 575.000,- kr.-it immikkoortinneqarput, pikkorissartitsineq ingerlanneqarpoq Maniitsumi sammeneqarlutik nammineerluni nakkutilliineq nipisallu suaannik passusseriaaseq nutaaq. Aningaasartuutit tamarmiusut 497.720,- kr.-iupput.

Tunitsiviit kiffartuunneqarnissamik isumaqatigiissutikkut 2009-p ukiuata affaani kingullermi pisussaaffilerneqartut ukuupput: Qaanaaq, Savissivik, Attu, Ikamiut, Ittoqortoormiit, Narsamijit, Qassimiut, Kangerlussuaq aamma Napasoq.

Taakku saniatigut 2009-p ukiuata affaanut kingullermut tunitsivinnut kiffartuunneqarnissamik isumaqatigiissuteqarfigineqarpoq Royal Greenland A/S (RG), kiffartuunneqarnissamik isumaqatigiissutip aningaasartarai 7,9 mio. kr.-it. Kiffartuunneqarnissamik isumaqatigiissummi tassani tunitsiviit pisussaaffilerneqartut tassaapput Arsur, Qeqertarsuatsiaat, Atammik, Kangaamiut, Ikerasaarsuk, Niaqornaarsuk, Kangaatsiaq.

Qulaani allaaserineqartut tunngavigalugit aningaasaliissutit pingaarnertut tulleriissunut atorneqarsimaneri imaapput (1.000 kr.)

AGF ukiup affaani kingullermi sull.isumaqatigiissut	3.360 mio.kr.
AGF ilinniartitaanermut immikkoortitat	498 kr.
RG ukiup affaani kingullermi sull.isumaqatigiissut	<u>7.906 mio.kr.</u>
Aningaasat atorneqartut tamakkerlugit	11.764 mio.kr.

Aningaasat tamaalillutik 2009-mi tamakkiisumik atorneqanngillat Aningaasat sillimmatit katillugit 8,2 mio. kr.-iupput. Qaammat oktoberip qiteqqunnerata missaani Aalisarnermut, Piniarnermut Nunalerinermullu Naalakkersuisoqarfiup kommunit qinnuigai konto pingaarnikkut akilerneqartussanut suliniutaasinnaasunut siunnersuutininik nassiusaqaqqullugit. Qinnuteqaatit Kommuneqarfik Sermersooq-meersut tiguneqarput. Qinnuteqaatilli taakkua ajoraluartumik konto pingaarneq naapertorlugu taparserneqarnissamut tunngavissaatitanik eqquutsitsinngillat, tassa oqaasertaliussani pissutissaatitaasut qinnuteqaatitigut eqquutsinneqanngimmata.

AI 2010-mi konto 20.11.72-imut oqaasertaliussanik ilanngussisoqarpoq. Oqaasertaliussatigut kontomut ukiumoortumik aningaasaliissutit saniatigut Naalakkersuisut aningaasartuuteqarnissamut pisinnaatitaapput 2009-miit aningaasat immikkoortinneqartut amerlaqataannik.

Konto pingaarnermut 20.11.72, 2009-mi aningaasaliissutit sinneri kiisalu 2010-mut aningaasaliissutit kiffartuunneqarnissamik isumaqatigiissusiornernut atorneqarput. 2010-imut aningaasaliissutit 15 mio. kr. Immikkoortinneqarput. Taamaasilluni ukioq 2010-mut aningaasat atorneqarsinnaasut 23 mio. kr.-iupput.

AGF-imit 2010-mi kiffartuunneqarnissamik isumaqatigiissut 9,1 mio. kr.-ilik, kiisalu RG-mik 2010-mut 10,6 mio. kr.-ilik aammattaaq kiffartuunneqarnissamik isumaqatigiissutit marluk april-imiit Maniitsumi AGF-imut ataatsimut aamma Sisimiut Fish ApS-ip (SF) ataani tunitsivinnut marlunnut, taakku katillugit 2.375 mio. kr.-inik naleqarput.

Qulaani allaaserineqartut tunngavigalugit aningaasaliissutit pingaarnertut tulleriissunut atorineqarsimaneri imaapput (1.000 kr.)

AGF ukioq 2010 sull.isumaqatigiissut	9,1 mio.kr.
RG ukioq 2010 sull.isumaqatigiissut	10,6 mio.kr.
April 2010-mi AGF sull.isumaqatigiissut (MFI)	1,1 mio.kr.
April 2010-mi SF ApS, sull. Isumaqatigiissut	<u>1,2 mio. kr.</u>
Aningaasat atorineqartut tamakkerlugit	22,0 mio.kr.

AGF-ip tunitsivii kiffartuunneqarnissamik isumaqatigiissutini piunasaqaatit malillugit ingerlatsiviusut ukuupput: Qaanaaq, Savissivik, Ittoqqortoormiit, Qassimiut, Narsarmijit, Kangerlussuaq aamma Napasoq kiisalu AGF-imik isumaqatigiissutigineqarpoq Attu aamma Ikamiut pillugit kiffartuunneqarnissamik isumaqatigiissutip saniatigut ukioq kaajallallugu ammatinneqassasut isumaqatigiissutaalluni.

RG-p ataani kiffartuunneqarnissamik isumaqatigiissuteqarfiusut tunitsiviit ukuupput Arsuq, Qeqertarsuatsiaat, Ikerasaarsuk, Niaqornaarsuk aamma Kangaatsiaq.

Taamaattumik aningaasaliissutinit taakkunannga 1 mio. kr.-it missaat sinnerupput, taakku Nunap immikkoortuani Ineriartortitsinissamut Iliusissanut pilersaarutip suliarineqarnissaanut imaluunniit tassunga atorineqarnissaat isumaliutersuutigineqarsimavoq. Pilersaarutilli taakku sulitimalersorneqangillat.

Inussiarnersumik inuulluaqqusilluta
Med venlig hilsen

Ane Hansen
Aalisarnermut, Piniarnermut Nunalerinermullu Naalakkersuisoq
Medlem af Naalakkersuisut for Fiskeri, Fangst og Landbrug